



Ե Ր Կ Շ Ա Բ Ա Թ Ա Թ Ե Ր Թ

ՀՀ Դաշնակցության Արցախի Կենտրոնական Կոմիտեի պաշտոնաթերթ

Մենք համացանցում

www.aparaj.am

Դաշնակցությունը մեր ժողովրդի էությունից բխող արժեհամակարգի ծնունդ է. ԱՅ ԱԾ փոխնախագահ Վահրամ Բալայան

Ստորև ներկայացնում ենք ՀՀ ԿԿ անդամ Վահրամ Բալայանի ելույթը դեկտեմբերի 14-ին Ստեփանակերտում կայացած ՀՀ 127 ամյակի տոնակատարությանը:

Ամեն տարի նշելով Դաշնակցության օրը՝ ինչ որ մի տեղ ժողովրդին յուրօրինակ հաշվետվություն է տրվում կուսակցության անցած ճանապարհի, կատարածի մասին: Բայց այդ օրը մեզ համար առավել շատ ծառայում է որպես հարթակ՝ ներկայացնելու ոչ հեռավոր ապագային միտված մեր անելիքներն ու ճշգրտելու դրանց հասնելու միջոցները:

ՀՀ ամեն մի անդամի համար արդեն կարգախոսի նշանակություն ունի «Դաշնակցությունն ու Արցախը բնական դաշնակիցներ են ասույթը: Բայց այդ ամենը ոչ միայն կարգախոս ու ասույթ են, այլ հստակ գործողության ծրագիր:

Այդ ծրագրային դրույթները գործողության մեջ են դրվել դեռևս 20-րդ դարի սկզբներից, երբ Դաշնակցությունը որպես կառույց սկսել է գործել Արցախում: Դաշնակցության եւ արցախահայության գործողությունների համադրումը պատահական չէ, որովհետեւ Դաշնակցությունը մեր ժողովրդի էությունից բխող արժեհամակարգի ծնունդ է:

ՀՀ Դաշնակցության համար բարձրագույն արժեքներ են մարդը, նրա ազգային արժանապատվությունն ու իրավունքը:

Այդ տեսանկյունից՝ 19-րդ դարի վերջերից Դաշնակցությունը հայության մեջ ոչ միայն իր ուժերի նկատմամբ վստահությունը վերականգնեց, այլև իր հայրենիքում ազատ ապրելու եւ ազգային պետականություն ունենալու գաղափարը ներարկեց:

Պատահական չէ, որ այդ օրերին Ցարական Ռուսաստանի հատուկ ծառայություններն արձանագրում էին, որ «Դաշնակցությունը պետություն է պետության մեջ»:

Մինչև 1918 թ. մայիս ամիսը՝ Արեւելակովկասյան մուսուլմանական հանրապետության ասպարեզ գալը, որը հետո ստացավ Ադրբեջան անունը, 1917 թ. դեկտեմբերին ռուսական կայսրության տարածքում քաղաքական քառուսի պայմաններում Դաշնակցության Արցախի կառույցին հաջողվեց վերակերտել պետականությունը, որի իրավասությունները տարածվում էին Գանձակի մատույցներից մինչև Արաքսի ափերը: Եվ հենց այդ քաղաքական հանգամանքով էր, որ ԽՍՀՄ կազմում արցախահայությունն ինքնավար կարգավիճակ ստացավ: Ճակատագրի բերումով նորօրյա ժամանակներում Դաշնակցությունը նորից կանգնեց ազգային ազատագրական պայքարի եւ պետականակերտման ակունքներում: Արցախի Հանրապետության կազմավորումն իրագործվեց գործող օրենքների եւ համամարդկային արժեքների շրջանակում:

Արձանագրելով այս փաստերը՝ մենք միանշանակ կարող ենք ասել, որ Լեռնային Ղարաբաղի հակամարտությունը ոչ միայն կարող ենք լուծել ազգերի ինքնորոշման իրավունքի հիման վրա, այլ նաև տարածքային ամբողջականության սկզբունքով:



127.



ամենակ

ՀՀ Դաշնակցության 127-ամյակի տոնակատարություն Արցախում

Սույն թվականի դեկտեմբերի 14-ին Ստեփանակերտի Սայաթ-Նովայի անվան երաժշտական քոլեջում տեղի է ունեցել ՀՀ 127-ամյակին նվիրված հանդիսավոր միջոցառում:

Միջոցառմանը ներկա էին Արցախի թեմի առաջնորդ Պարգեի արքեպիսկոպոս Մարտիրոսյանը, ՀՀ Լիբանանի «Ազդակ» թերթի գլխավոր խմբագիր Շահան Գանտահարյանը, ԼՂՀ քաղաքական կուսակցությունների ներկայացուցիչներ, պետական այրեր, ՀՀ Արցախի ԿԿ ներկայացուցիչ Դավիթ Իշխանյանը, ԼՂՀ ԱԾ փոխնախագահ Վահրամ Բալայանը, կուսակցական ընկերներ եւ հյուրեր:

ՀՀ Դաշնակցության 127-ամյակին նվիրված տոնակատարության ժամանակ ՀՀ Արցախի Կենտրոնական կոմիտեի անունից ելույթ է ունեցել ՀՀ Կենտրոնական կոմիտեի անդամ Վահրամ Բալայանը:

Այս ելույթ է ունեցել ԱՅ ԱԾ «Ժողովրդավարություն» խմբակցության ղեկավար Վարդգես Բաղդյանը: Տոնակատարության ընթացքում իր մաղթանքն է հղել Արցախի թեմի առաջնորդ Պարգեի արքեպիսկոպոս Մարտիրոսյանը: Օրվա գլխավոր բանախոսն էր ՀՀ Լիբանանի «Ազդակ» թերթի գլխավոր խմբագիր Շահան Գանտահարյանը: Տոնակատարության ավարտին Արցախի կուսակցական ընկերներ եւ հյուրեր:

Հանդիսության նախասրահում ցուցադրվել են 100 տարի առաջ տպագրված ՀՀ «Ապարամ» կոմիտեի օրգան «Ապարամ» թերթի ցուցանմուշներ:

Այսօր Արցախի Հանրապետության միջազգային իրավական տեսանկյունից ճանաչումը ՀՀ բոլոր կառույցների համար գերխնդիր է համարվում: Արցախի Հանրապետության տարածքային ամբողջականությունը տարածաշրջանի կայունությունն ու խաղաղությունը երաշխավորող կարևոր գործոնն է:

Այս օրը՝ ՀՀ Արցախի կառույցը հանրապետության իշխանությունների հետ համադրաբար առաջիկայում Հայ Դատի գրասենյակների միջոցով լայնածավալ աշխատանք կկատարի արցախահայության արդար դատը պաշտպանելու համար:

Մենք լայնածավալ աշխատանք ունենք կատարելու Ադրբեջանի եւ Թուրքիայի հակահայկական քարոզչությունը եւ լոբբիստական աշխատանքը չեզոքացնելու ու Արցախը աշխարհին ընկալելի դարձնելու ասպարեզում:

Սփյուռքահայությանը արցախահայ պետականակերտման գործընթացում լիարժեք ներգրավելու հարցը մեր օրակարգի առանցքային մասն է կազմում:

Ժողովրդի անվտանգությունը, պետության պաշտպանվածությունն ու բանակի մարտունակության բարձրացումը մեր հանրության բոլոր շերտերի եւ նրա մի մասնիկը հանդիսացող ՀՀ-ի գերխնդիրն է համարվում:

Ազգ-բանակ հայեցակարգի տրամաբանությամբ՝ անխոցելի կործակվեն հայկական զույգ հանրապետությունները:

Դաշնակցության Արցախի կառույցը քաջ գիտակցում է, որ երկարատե խաղաղություն պահպանելու գաղտնիքը կայուն, համաչափ զարգացող երկիր ունենալու մեջ է: Դաշնակցության համար Արցախի Հանրապետության կայացումը կյանքի նպատակ է:

Մենք մեր գործունեության մեջ կուսակցական շահը ստորադասել ենք պետականին: Այդ տեսանկյունից՝ մենք մեր պատրաստակամությունն ենք հայտնում՝ համագործակցելու Արցախի քաղաքական, հասարակական այն բոլոր շահագրգիռ ուժերի հետ, որոնց գործունեության առանցքն է կազմում ժողովրդավարական երկրի, դիվերսիֆիկացված տնտեսության վրա խարսխված սոցիալական պետության գաղափարները:

Պետական կառավարման ոլորտի անընդհատ կատարելագործումը, կրթության, գիտության, ազգային մշակույթի զարգացումը, այդ ամենի մեջ պետության կարգավորիչ դերի բարձրացումը մեզ համար օրախնդիր է:

Գտնում ենք, որ մեր երկրի բնակավայրերի զարգացման, գյուղերի հզորացման նպատակով վերաբնակեցման քաղաքականությանն անհրաժեշտ է տալ համաարցախյան բնույթ:

Միտելի ընկերներ՝ հարգելի ներկաներ, շնորհավորում ենք ձեզ Դաշնակցության օրվա կապակցությամբ: Հայաստանի Առաջին Հանրապետության եւ Արցախում պետականության վերակերտման 100-ամյակին ընդառաջ՝ հար եւ նման հարցերի լուծումը հնարավորություն կտա Արցախի Հանրապետությունը դարձնել բարգավաճող եւ անվտանգ երկիր:

Խնդիրը մշակութային կյանքի պահանջարկի մեջ է. Սերգեյ Շահվերդյանը

ԱՅ մշակույթի, երիտասարդության հարցերի եւ զբոսաշրջության նախարար Սերգեյ Շահվերդյանը դեկտեմբերի 15-ին հանդես է եկել առաջին մամուլի ասուլիսով:

Նախ՝ նորանշանակ նախարարն անդրադարձել է զանգվածային լրատվական միջոցների հետ համագործակցության կարեւորությանը եւ վստահություն հայտնել, որ նման հանդիպումները կլինեն կանոնավոր ու հաճախակի, այնուհետեւ՝ անցել մամուլի ասուլիսի հիմնական թեմային՝ Ամանորյա տոնական միջոցառումների ծրագրին:

«Դեկտեմբերի 19-31-ը կկազմակերպվի աննախադեպ ամանորյա տոնական միջոցառումների շարք, որը հնարավորություն կընձեռնի հասարակության լայն զանգվածներին ու տարբեր տարիքային խմբերի ներկայացուցիչներին՝ նախատոնական օրերը հետաքրքիր եւ յուրօրինակ կերպով անցկացնելու», - իր խոսքում նշել է Ս. Շահվերդյանը:

Ստեփանակերտի սրտում՝ Վերածննդի հրապարակում այս օրերին ընթանում է ամանորյա քաղաք Կաղանդավա-նի հիմնումը: 16 տնակ-տաղավարներում ներկայացված են լինելու առեւտրային կազմակերպությունների ու անհատ ստեղծագործողների արտադրանքը՝ ամանորյա խաղալիքներ, հուշանվերներ, ձեռքի աշխատանքներ: Կաղանդավանի տարածքում գործելու է նաեւ բացօթյա թեյարան՝ մրսածներին տաքացնելու եւ ջերմ մթնոլորտ ապահովելու համար: Թեթեւ սնունդը եւս ապահովված կլինի:

«Երեխաները հնարավորություն կունենան ժամանակ անցկացնել «ստեղծագործական տնակում», որտեղ կկազմակերպվեն վարպետության դասեր

ամանորյա նվերներ, խաղալիքներ, բացիկներ պատրաստելու համար», - նշել է Սերգեյ Շահվերդյանը:

Կաղանդավանի բացումը տեղի է ունենալու դեկտեմբերի 16-ին՝ հատուկ տոնական արարողությամբ: Ամանորյա քաղաքի փոքրիկ բեմը եւս մշտապես աշխույժ է լինելու՝ երաժշտական ու պարային համարներ արցախյան հա-



մույթների մասնակցությամբ, ինչպես նաեւ թատերական ներկայացումներ փոքրիկների համար: Իրականացվելու են նաեւ այլ ժամանցային ծրագրեր:

Դեկտեմբերի 31-ի ամանորյա համերգը կամփոփի նախատոնական միջոցառումների շարքը: Համերգին իրենց մասնակցությունը կբերեն արցախյան համույթները եւ հատուկ հրավիրված հյուրը՝ «Capital Cities» ինդի-փոփ խմբի մեներգիչ Սերուն, ով հասցրել է ձեռք բերել հայաստանյան եւ արցախյան երկրպա-

գուների մեծ բանակ:

Հունվարի 6-ին Սուրբ Ծննդյան տոնի կապակցությամբ եւս նախատեսվում է մեծ համերգային ծրագիր հայաստանյան շուրջ բիզնեսի ներկայացուցիչների մասնակցությամբ:

Ամանորյա ծրագիրը ներկայացնելուց հետո Սերգեյ Շահվերդյանը պատասխանել է լրագրողներին հուզող շուրջ 3

տասնյակ հարցերի, որոնք հիմնականում վերաբերում էին մշակութային ոլորտում նախարարի ռազմավարությանը, առաջնահերթություններին եւ տարիներ շարունակ չլուծվող խնդիրներին՝ Ստեփանակերտի Վահրամ Փափազյանի անվան թատրոնի, թանգարանների, շրջանային եւ քաղաքային գրադարանների, գյուղական ակումբների եւ մի շարք այլ թեմաների:

«Մենք ունենք նախաձեռնության պայկաս: Գյուղական ակումբի շենքի բացա-

կայությունը չպետք է գյուղում մշակութային կյանքի բացակայության պատճառ հանդիսանա: Մշակութային կյանքը կարելի է կազմակերպել մասնավոր տներում կամ հանրային այլ տարածքներում: Խնդիրը մշակութային կյանքի պահանջարկի մեջ է», - իր խոսքում մասնավորապես ասել է նախարարը՝ նշելով, որ այս եւ մյուս խնդիրների լուծման համար անհրաժեշտ են հսկայական ներդրումներ, եւ այս խնդիրները երկրի ղեկավարության ուշադրության կենտրոնում են:

Անդրադառնալով Ստեփանակերտի պատմաերկրագիտական թանգարանի խնդրին՝ նախարարը նշել է, որ նոր թանգարանի նախագիծն արդեն պատրաստ է: «Երկու տարի անց թանգարանն ունենալու է արժանավայել եւ ժամանակակից ստանդարտներին համապատասխան շենք», - ասել է Ս. Շահվերդյանը:

Էկոտուրիզմը զարգացնելու նպատակով մշակույթի նախարարությունը նախատեսում է գյուղական համայնքներում հյուրատներ հիմնել՝ օտարերկրյա զբոսաշրջիկներին արցախյան մշակույթին եւ ավանդույթներին ծանոթացնելու եւ ինչ-որ չափով տեղի բնակչության սոցիալական խնդիրը լուծելու նպատակով:

Խոսելով անցած տարում Արցախ այցելած զբոսաշրջիկների թվի մասին՝ Սերգեյ Շահվերդյանը նշել է, որ 2016-ի համեմատ այս տարի գրանցվել է զբոսաշրջիկների 41 տոկոս աճ:

«Այս տարի օտարերկրյա զբոսաշրջիկները ծախսել են շուրջ 9 մլն ԱՄՆ դոլար: Սա շատ լուրջ ձեռքբերում է», - շեշտել է Ս. Շահվերդյանը:

Լուսինե ԹԵՎՈՍՅԱՆ

Մաղավուզի քարածխի հանք. տարածաշրջանի էներգետիկ անկախություն, թե՛ նոր բեռ պետական բյուջեի համար

Հանքարդյունաբերությունը հայտարարվել է Արցախի տնտեսության զարգացման ռազմավարական ճյուղերից մեկը, եւ այդ առումով իշխանությունները մեծ հույսեր էին կապում Մարտակերտի շրջանի Մաղավուզի քարածխի հանքի շահագործման հետ՝ այն համարելով Արցախի էներգետիկ ինքնաբավության գրավականներից մեկը:

Հանքի շահագործումը երկար չի տևել, բայց շահագործման հետքերն առ այսօր մնում են: Երկու տարի առաջ բաց հանքի մոտով անցնող ճանապարհը սողանքի է ենթարկվել, ստիպված նոր ճանապարհի ուղղությունն այդ մասում փոխվել է: Հանրապետության տարածքում լքված հանքավայրերի եւ մասնավորապես Մաղավուզի բաց հանքի հարցին նոյեմբերի 30-ին Արցախի Հանրապետության Ազգային ժողովի լիազուրկ նիստում կառավարության հետ հարցուպատասխանի բաժնում անդրադարձել է պատգամավոր Վիլեն Սաֆարյանը: «Մաղավուզի բաց հանքի շահագործման ժամանակ հատվել է ոչ պակաս, քան 30 հա անտառ, շարքից դուրս է եկել մոտ 6 հա վարելահող, ավերվել են միջնադարյան գերեզմանոցներ, այլ շինություններ», - ասել է Վիլեն Սաֆարյանը՝ ավելացնելով, որ հանքի լքվելուց հետո ռեկուլտիվացիա չի կատարվել, մասնավորապես՝ ռեկոնստրուկցիա եւ լանդշաֆտի մասով, որի պատճառով առաջացել է սողանք: Սողանքն ավերել է գործող ճանա-

պարհի մոտ 200 մետրանոց հատված, որը հետագայում վերանորոգել են պետական միջոցների հաշվին:

Հարցի վերաբերյալ ԱՅ պետնախարար Արայիկ Հարությունյանը նշել է, որ քարածխի հանքը տարածաշրջանի ռազ-



մավարական էներգետիկ անկախությունն ապահովող միջոցառումներից մեկն է: «Այս փուլում հանքը կոնսերվացվել է, որովհետեւ այսօր քարածխի՝ որպես էներգակրի անհրաժեշտությունը չկա, - ասել է պետական նախարարը եւ հավելել, - Իհարկե, խախտումներ եղել են, բայց փորձում ենք դա վերացնել: Ծա-

նապարհի սողանքը կարգավորվել է, այժմ վերահսկողության տակ է: Եթե զգանք, որ այդ խնդիրները կան, պետք է պետական բյուջեի հաշվին լուծենք»:

«Ապառաժ»-ի հետ զրույցում Վիլեն Սաֆարյանը տեղեկացրել է, որ սողանքը

տրված սխալներ, եւ մենք լրացուցիչ գումարներ ենք հատկացրել այդ ընկերության կողմից թույլ տրված սխալները շտկելու համար, այդ թվում՝ նաեւ սողանքների հետ կապված», - ասել է Բակո Սահակյանը: Նախագահն ընդգծել է մի հանգամանք եւս. երբ ինչ-որ մեկը պատրաստակամություն է հայտնում ներդրումներ կատարելու, շատ դեպքերում ուրախությունից, շատ դեպքերում շտապելով, շրջանցվում են մի շարք պահանջներ, եւ դա հանգեցնում է այդպիսի վրիպումների: «Ապագայում մենք պետք է ավելի հետեւողական լինենք եւ ներդրողների հետ սահմանված կարգերին համապատասխան կառուցենք մեր հարթությունները», - ավելացրել է ԱՅ նախագահը:

Ինչպես «Ապառաժ»-ին տեղեկացրել է Մաղավուզի գյուղապետ Աշոտ Դանիելյանը՝ սողանքը երթեւեկությանը չի խանգարել, ուղղակի ճանապարհի ուղղությունն է փոխվել: Բայց հանքի տարածքը, որը նախկինում ծառայում էր որպես արոտավայր, այժմ օգտագործման համար պիտանի չէ:

Հարցը նրանում է, որ հանքի շահագործումից հետո առաջացած խնդիրների համար ոչ մեկը պատասխանատվություն չի կրում: Իսկ շահագործումից հետո հանքավայրի տարածքի հետագա աշխատանքների իրականացման բեռն ընկնում է պետական բյուջեի վրա:

Տարբերակ ԱՐԱՋԱՆՅԱՆ

